

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.01.2022թ. թիվ 2214025219 որոշումն անփոփոխ, իսկ վարչական բողոքն առանց բավարարման թողնելու մասին

<<10>> 02 2022թ. 7-13 1698

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Զաքար Անտոնյանի ՄԴ/7648-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Զաքար Անտոնյանը (**ծանուցման հասցե՝** Արմավիրի մարզ, գյուղ Մյասնիկյան, 7 փողոց, 98 տուն) դիմումով խնդրել է բեկանել Ճանապարհային ոստիկանության վարչական տույժ նշանակելու մասին 04.01.2022թ. թիվ 2214025219 որոշումը՝ նշելով, որ իրավախախտումը կատարել է հարկադրաբար՝ իր հայրիկին հիվանդանոց տեղափոխելու ընթացքում: Դիմումին կից ներկայացրել է <<ԲԵՍԹ ԼԱՅՖ>> ԲԿ ՍՊԸ-ի կողմից 22.12.2021թ. տրված տեղեկանքը:

Դիմումի քննարկման արդյունքում պարզվել է, վարչական ակտը ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ << օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<ԲԵՍԹ ԼԱՅՖ>> ԲԿ ՍՊԸ-ի գործադիր տնօրեն Հ.Թ.Մաթևոսյանի 22.12.2021թ. տրված տեղեկանքի համաձայն՝ քաղաքացի Զաքար Կոստանի Անտոնյանը(ծնվ. 25.01.1991թ.) 22.12.2021թ. ժամը 06:00-ի սահմաններում իրեն պատկանող <<OPEL>> մակնիշի 36FR827 հաշվառման համարանիշի ավտոմոբիլով, ուղեկցել է իր հայրիկին՝ Կոստան Զաքարի Անտոնյանին, Արմավիր բժշկական կենտրոնից դեպի ք.Երևան, Ֆանարջյան 55՝ <<ԲԵՍԹ ԼԱՅՖ>> բժշկական կենտրոն տեղափոխող շտապօգնության ավտոմոբիլին:

<<Վարչական իրավախախտումների վերաբերյալ>> << օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ

անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Վարչական վարույթի ընթացքում չի հիմնավորվել դիմումատուի կողմից ճանապարհային երթևեկության կանոնների խախտումը ծայրահեղ անհրաժեշտության վիճակում կատարելու հանգամանքը, քանի որ հիվանդը գտնվել է բժշկների հսկողության ներքո:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.01.2022թ. թիվ 2214025219 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Զաքար Անտոնյանին:



Ե. Կարապետյան